

«L’Inn Hub tuocha il gnierv dal temp»

La «Inn Hub Community» s’ho inscuntreda in gövgia zievamezdi a La Punt. Ella es gnida infurmeda davart il stedi dal proget «Inn Hub». L’an chi vain dèssan cumanzar las lavuors da construcziun.

ANDRI NETZER/FMR

Creer, collavurer, cumünaiavel – que es sto il credo tar il seguond inscunter da la «Inn Hub Community» in gövgia zievamezdi a La Punt Chamues-ch. La «Inn Hub Community» consista dad iniziandas ed iniziants, investuras ed investuors e partenaris intorn il proget «Inn Hub La Punt». Il böt da quel zievamezdi d’era da tschercher ideas per las sportas futuras e da der ün update che chi’d es giro daspö l’ultim inscunter dal 2019 a Zuoz in connex cul proget. L’Inn Hub dess dvanter ün lö per lavurer, ma eir per as retrer e chatter inspiraziun.

S-chaffir qualchosa insembel

Cha tar il prüm inscunter hegian els auncha discuto sch’ün «third place» – ün lö chi cumbina lavur e temp liber – possa funcziuner in Engiadina, ho dit *Jon Erni*, ün dals iniziants da l’Inn Hub düraunt sieu discuors d’avertüra, «tar tuot il negativ cha la pandemia ho purto, ho ella eir musso cha la gliעד vuol gnir cò a lavurer.» El ho eir intuno in sieu discuors ch’els vöglian s-chaffir insembel qualchosa a La Punt. Insembel – que vuol dir la squedra operativa cun arduond 50 persunas chi promovau il proget, ma eir tuot la «Inn Hub Community», la vschi-nauncha, chantunaisas e chantunais, firmas partenarias ed il Chantun. E tenor *Jon Erni* haun els raggiunt già bger daspö il prüm inscunter: «Per fabricar l’Inn Hub ho que fat dab-sögn d’ün müdamaint dal plan da zonas. Ils planisaders ans vaivan dit cha que düro tschinch ans. Nus vains raggiunt que infra ün an.» Eir l’idea per l’Inn Hub Pop Up – chi funghescha scu soluziun transitorica fin cha l’Inn Hub es realisò – es dvantò ün success: «Intaunt es el implieu cun vita e nus essans già a guardar da tour a fit ulteriuras localitads, perque cha vains telmaing bgera gliעד chi vuol gnir cò a La Punt a lavurer.»

Da San Francisco a La Punt

Culs plets «da guadagner ad ella es sto ün cas da furtüna specièl» ho preschantò *Jon Erni* in gövgia zievamezdi eir a *Gioia Deucher*. L’anteriura mnedra da la Swissnex a San Francisco – üna rait svizra da posts exteriurs per educaziun, perscrutaziun, innovaziun ed art – surpigliario il post scu mnedra da l’Inn Hub. Sia paschiun per aventüras e per novs orizzonts tilla ho mnedra da San Francisco a La Punt. «Ad es ün lö da vacanzas ch’eu cugnusch fich bain. Ma ad es eir ün lö chi’m do la pussibiltè d’examiner per me novas dimensiuns scu nov center da vita e lö da lavur.» Cha l’Inn Hub saja ün proget d’umauns per umauns, ho dit *Gioia Deucher*, «la visiuon exista già daspö ans, ma grazcha a la pandemia s’ho guadagno novas conclusiuns. A s’ho musso quant preziusa cha la cumünau-



La «Inn Hub Community» s’ho radunada in gövgia zievamezdi per as lascher infurmer davart il stedi dal proget «Inn Hub La Punt».

FOTOS DOMINIK TÄUBER/ MIAENGIADINA



Cun *Gioia Deucher* es gnida preschantada la mnedra futura da l’Inn Hub.



L’Inn Hub a La Punt dess dvanter ün lö per lavurer, ma eir per as retrere e chatter inspiraziun.

za es e quant important cha’d es da mner insembel fisicamaing la gliעד.» Ch’il bsögn per flexibilitè, per esser illa natüra e la sandet staun uossa davantervart illa societad. Per firmas dvantero pervi da que importaunt da s-chaffir novas fuormas per lavurer. L’Inn Hub tuocha perque tenor *Gioia Deucher* il gnierv dal temp e «dess esser cò per servir a quels bsögns chi s’haun müdos».

Dvanter ün lö d’inscunter

Cha l’Inn Hub saro ün lö ingio cha bgeras gruppas d’interess gnaron insembel, ho dit *Christian Wenger*, ün dals co-iniziants dal proget in gövgia zievamezdi. Suot ün tet cumünaiavel as spordscharo gastronomia, pussibilitèds per fer sport e spüertas medicinelas. L’Inn Hub dess esser eir ün lö d’inscunter. Uschè as vulessa spordscher düraunt tuot l’an ün program ac-

tiv cun evenimaints per singuls, gruppas e firmas. Sper que as voula integrer i’l concept da l’Inn Hub eir la gastronomia locala e pussibilter inscunters locals scu teaters da scoula u radunanzas cumünelas.

«Da realiser l’Inn Hub es scu üna mezza cuorsa da maraton», ho infurmo *Christian Wenger* davart il stedi dal proget, «suvent as vulessa comunicher, ma nu’s po perque cha nu s’es auncha uschè inavaunt.» El ho suppli-cho a las preschaintas ed als preschaints per incletta, scha que fatscha minchataunt l’impreschiun cha nu gjaja inavaunt. El ho però agiunt: «Nus fains quint cha survgnins quist an il permiss per fabricar.» La prüma paleta per l’edifizi creò da l’architect renomno *Norman Foster* dess lura avair lö l’an chi vain. Las lavuors da contrucziun dèssan esser terminadas per l’an 2025.

MUSEUM STAMPARIA



Il cussagl da fundaziun dal Museum Stamparia Strada cul commember d’infin uossa *Thedi Gut* (sch.n.) ed ils commembers novs elets *Maria Vital*, *Jon Candrian* e *Silvia Marti*.

FOTO FLURIN ANDRY

Müdamaints pro la Stamparia Strada

Prüma radunanza generala dal Museum Stamparia Strada cul nov cussagl da fundaziun e suot la bachetta dal nov president, *Jon Candrian*.

ANDRI NETZER/FMR

Üna quarantina da commembras e commembers s’han chattats in sonda davomezdi a la radunanza generala dal Museum Stamparia Strada. Davo cha las radunanzas generalas pels ons 2019 e 2020 han pudü gnir tgnüdas be in scrit, d’era quai sco per berras otras societats darcheu la prüma in preschentscha. Illa radunanza generala sun gnüts acceptats unanimamaing il quint anu-aul, il rapport dals revisurs sco eir la oroposta da dar dis-charge a las persunas respunsablas.

Nova generaziun i’l cussagl da fundaziun

Per la fin da l’on 2021/2022 ha gnü lö ün müdamaint da generaziun i’l cussagl da fundaziun dal Museum Stamparia Strada. «Eu main quist museum daspö l’on 1987. Uossa n’haja 82 ons e less perquai planet am retrar», vaiva dit l’anteriur manader e commember dal cussagl da fundaziun *Gian Häfner* in settember da l’on passà invers la FMR. La Fundaziun Stamparia Strada ha perquai tscherchà persunas chi vessan interess dad esser activas i’l museum a Strada. Cul sustegn da Museums Grischuns s’haja pudü chattar ün bel nomer da persunas chi vessan plaschair da far quai. Uschè ha la radunanza generala tschernü ouravant in scrit a *Jon Candrian* sco nov president. Sper *Alexandra Könz*, chi ha surtut ün mandat i’l cussagl da cultura – l’organ d’accum-pagnamaing artistic da la stamparia – han demischiunà eir ils ulterius commembers *Patrick Wild*, *Gian Häfner*, *Duri Janett*, *Jon Pitschen Janett* e *Domenic Scharplatz*. Els vegnan rimplazzats da *Jon Armon Cafilisch*, *Silvia Marti* e *Maria Vital*. Restà da l’anteriur cussagl da fundaziun es *Thedi Gut*. El es eir in avegnir actuar e respunsabel per las exposiziuns extraordinaras.

Müdamaints eir pro la societad da promoziun

Eir illa suprastanza da la societad da promoziun ha gnü lö ün müdamaint. La radunanza generala in scrit ha elet nov in quel gremi a *Jon Candrian*, *Thedi Gut* ed a *Silvia Marti*. Els substituisschan a *Georg Häfner*, *Maria Pardeller* ed a *Nicolò Bass*. Sco fin uossa es *Armon Kirchen* sco rapreschantant dal cumün da Valsot part da la suprastanza.

Lavuors da fabrica coordinadas a Scuol

Daspö Pasqua e fin la mità da gün vegna fabricà e renovà a Scuol a tuot pudair. Intant cha’l Bogn Engiadina es serrà per revisiuns e renovaziuns, vegna lavurà eir sül Stradun ed in differents hotels. L’ultima etappa dal Stradun cuosta var 625 000 francs.

NICOLO BASS/PL

Daspö il mardi davò Pasqua es il Bogn Engiadina a Scuol (BES) serrà per revisiuns e renovaziuns. Sper las revisiuns chi vegnan fattas mincha trais ons, vain quista jada renovà tanter oter eir il batschigl principal. Per passa 1,6 milliuns francs survegnan ils batschigls novs fuonds, novas plattinas e novas culurs. Il BES resta serrà fin la gövgia d’Ascensiuon cumplettaing. Il batschigl principal e la sporta roman-irlandaisa restan serradas ulteriuras tschinch eivnas e quai fin la sonda dals 26 gün. Il temp cha’l BES es serrà tiran a nüz eir oters affars per lavuors da fabrica e novas investiziuns.

Investiziuns i’l Hotel Belvédère

l’Hotel Belvédère a Scuol vegnan düraunt quist temp investits var 1,5 milliuns francs. Sco cha’l possessur *Kurt Baumgart-*



Actualmaing vain realisada l’ultima etappa da la renovaziun da l’infrastructura dal Stradun a Scuol. Tuot il proget d’infrastructura sül Stradun ha düra var desch ons.

FOTO NICOLO BASS

ner infuorma sün dumonda, vegnan renovadas l’entrada culla recepziun e la gronda sala da mangiar. Implü survain l’hotel sül Stradun ün nov sistem d’igluminaziun. Sco ch’el declera, d’eran quistas lavuors previsas fingià per l’on passà. Ma causa cha’l BES ha spostà las investiziuns per ün on, ha eir l’Hotel Belvédère spostà il termin da fabrica. Eir ils respunsabls da l’Hotel Belvédère vöglian avair a fin tuot las lavuors da fabrica fin als 26 gün. Al medem di dèssan il BES e l’Hotel Belvédère as preschantar in ün nov aspect.

Renovaziun Stradun a Scuol

Serrà es düraunt quist temp eir il Stradun tras Scuol. Fin als 24 gün dess gnir realisada l’ultima etappa d’infrastructura sül Stradun a Scuol. Sco cha *Arno Kirchen*, manader da las gestiuns tecnicas dal cumün da Scuol, declera, vegnan eir quistas lavuors fattas in coordinaziun culla

renovaziun dal BES. Ch’uschea possa tuot gnir realisà in quist temp da fabrica defini e ch’uschea saja tuot pront per la stagiun da stà.

Tuot il proget da la renovaziun da l’infrastructura sül Stradun a Scuol ha düra passa desch ons. Cun l’ultima etappa, tanter la Galleria Milo e la chasa Schlatter, dess quist proget chattar üna fin. Quist’ultima etappa dal Stradun cuosta v ar 625 000 francs. I’l quint d’investiziuns sun büdschetadas las lavuors da fabrica cun 550 000 francs. Sco chi’s dascha leger illas decisiuns da la suprastanza cumünala e da la direenziun dal cumün da Scuol nu surpassa la differenza però ils desch pertschiunt. Scha quai vess propcha d’esser il cas, vess la radunanza cumünala da decider a regard ün credit posteriuor. Il Stradun es per intant serrà per tuot il trafic motorisà. Per peduns e ciclistas es la via transibla.